



NEWSLETTER BR. 42

JULI 2018

SADRŽAJ

FIPA AKTIVNOSTI ≡

- » VELIKA BRITANIJA DESETA NA LISTI ZEMALJA INVESTITORA U BOSNI I HERCEGOVINI
- » INDIJSKA DELEGACIJA PRIVREDNIKA POSJETILA FIPA-U
- » AFTERCARE POSJETA FIRMI RAMA TEX DOO I OPĆINI PROZOR RAMA
- » POSJETA OPĆINI BILEĆA I AFTERCARE POSJETA FIRMI HENKEL ADHEZIVI BH D.O.O, BILEĆA

FIPA POSLOVNE VIJESTI ≡

- » RASPIŠAN POZIV ZA DODJELU KONCESIJE ZA IZGRADNJU SOLARNE ELEKTRANE U LJUBINJU
- » KONAČNO KREĆE IZGRADNJA VJETROPARKA TRUSINA KOD NEVESINJA

FIPA AKTIVNOSTI ≡



VELIKA BRITANIJA DESETA NA LISTI ZEMALJA INVESTITORA
U BOSNI I HERCEGOVINI



INDIJSKA DELEGACIJA PRIVREDNIKA
POSJETILA FIPA-U ≡





VELIKA BRITANIJA DESETA NA LISTI ZEMALJA INVESTITORA U BOSNI I HERCEGOVINI



U okviru priprema za diplomatsku misiju, novoimenovani ambasador BiH u Velikoj Britaniji Valentina Marinčić posjetila je Agenciju za unapređenje stranih investicija BiH (FIPA) kako bi se upoznala s ekonomskom suradnjom između dvije zemlje, s fokusom na britanske investicije do sada realizirane u BiH. Direktor FIPA-e Gordan Milinić je predstavio rad Agencije na privlačenju stranih investicija i mogućnostima za ulaganje u BiH, te atraktivnim sektorima za strane investitore, te dosadašnju ekonomsku suradnju između dvije zemlje. Također je istaknuo potrebu značajnijeg angažmana bh. ekonomske diplomatije na polju promocije zemlje i privlačenja investicija iz Velike Britanije s obzirom na dešavanja vezana za Brexit, pri tome ističući da je FIPA uspjela animirati tokom dvije prethodne godine bh. ekonomsku diplomatiju na način da su počeli organizirati investicione konferencije na kojima se predstavljaju mogućnosti za ulaganje u BiH. Navedeno je učešće FIPA-e na investicionoj konferenciji koja je održana u novembru 2017, gdje su uspješno predstavljeni potencijali Bosne i Hercegovine za ulaganje. Velika Britanija je deseta na listi zemalja investitora u Bosni i Hercegovini, te da dosadašnji nivo investicija, prema podacima Centralne banka BiH, iznosi 229 miliona eura. Neke od značajnijih britanskih investicija su : EFT-Rudnik i Termoelektrana Stanari d.o.o., Mineco – Rudnik olova i cinka Sase, STEELMIN LIMITED UK - Steelmin BH d.o.o. Jajce, RPC Superfos Balkan d.o.o. Gračanica, Excel Assemblies BH d.o.o. Maglaj, itd.

Od ambasadora se očekuje da prisustvuje privrednim skupovima, uspostavi suradnju s komorskim sistemom Velike Britanije i ostalim udruženjima nadležnim za privredu kako bi se poboljšala ekonomska suradnja između dvije zemlje na polju investicija i izvoza. Dogovoreno je da se pokuša organizirati privredna manifestacija o promociji BiH tokom 2019.



INDIJSKA DELEGACIJA PRIVREDNIKA POSJETILA FIPA-U



Predstavnici FIPA-e na čelu sa sekretarom dr. Maidom Bećirović primili su delegaciju indijskih privrednika, predstavnika fimi Techno India Group i Sister Nivedita University iz Kalkute, Indija, u pratnji ambasadora Bosne i Hercegovine u Indiji Nj.E. Sabita Subašića. Posjeta je organizirana s ciljem upoznavanja s mogućnostima investiranja u sektor obrazovanja u Bosni i Hercegovini, s osvrtom na visoko-školsko obrazovanje.

Privrednici su se interesirali o koracima za osnivanje visoko-školske ustanove, registraciji firme, dobivanje potrebnih dozvola i mogućnostima za uspostavljanje partnerstva s lokalnom zajednicom po modelu privatno-javnog partnerstva.

Predstavnici FIPA-e su privrednike upoznali o nadležnostima Agencije, radu s investitorima, kao i o mogućnostima ulaganja u obrazovni sektor u BiH.

Dogovoreno je da se investitori obrate FIPA-i za svako dodatno pitanje vezano za investiranje u navedeni sektor. Privrednici iz Indije su također održali sastanke s ostalim nadležnim institucijama za sektor obrazovanja u BiH.



AFTERCARE POSJETA FIRMI RAMA TEX DOO I OPĆINI PROZOR RAMA



Predstavnici Agencije za unapređenje stranih investicija Bosne i Hercegovine (FIPA), 4. jula 2018 posjetili su Općinu Prozor Rama, te firmu Rama Tex. Rama -Tex se prvenstveno bavi proizvodnjom tekstilne opreme, izrađuje fitness-program za europsko tržište, a najveći kupac je njemačka firma "CGL Sports Fashion", te je jedna od 13 najuspješnijih stranih investicija u 2017. godini u BiH, prema izboru FIPA-e. Planirano je također proširenje proizvodnje, a samim tim i povećanje radne snage, gdje je istaknut problem nedostatka kvalificirane radne snage.

FIPA je u suradnji s Općinom Prozor-Rama aktivno učestvovala u uspostavljanju tvornice koja danas izuzetno uspješno posluje i zapošljava cca 140 kvalificiranih osoba, te je jedna od firmi koja ima pozitivan rad i ostvaruje dobre poslovne rezultate.

Održan je također sastanak s pomoćnikom načelnika za razvoj, poduzetništvo, obrt i finansije u Općini Prozor Rama Josipom Juričić. Naveo je da Općina Prozor-Rama nudi velike mogućnosti za ulaganje, te da pruža poticajne mjere budućim investitorima. Jedna od njih je svakako poticaj za svako novo zapošljavanje za koje je izdvojeno 400.000 KM iz budžeta Općine.

FIPA se obvezala da će putem svojim kanala predstavljati sve općinske potencijale.

Na sastanku se razgovaralo i o novoj inicijativi i mogućnošću organiziranja regionalne investicijske konferencije koja bi prezentirala mogućnosti hercegovačkih općina i poboljšala povezanost potencijalnih investitora.



POSJETA OPĆINI BILEĆA I AFTERCARE POSJETA FIRMI HENKEL ADHEZIVI BH D.O.O, BILEĆA



Predstavnici Agencije za unapređenje stranih investicija Bosne i Hercegovine (FIPA), 3. jula 2018 posjetili su Općinu Bileća gdje su se sastali sa zamjenikom načelnika gospodinom Miloradom Radović.

U razgovoru na temu investicijski potencijali Općine Bileća, zamjenik načelnika istakao da su u proteklom razdoblju imali nekoliko uspješnih privatizacija među kojima su objekti bivše Kovnice, a koju je kupila firma Unis Tok iz Kalesije (koja posluje sa švedskom firmom SKF), kao i kupovinu dijela bivše tvornice čilima Bilećanka - Tekstilni kombinat ad Bileća, tako da je potencijalnim investitorima ostao na raspolaganju još jedan dio proizvodnog kompleksa. Također je navedeno da se turistička ponuda Općine Bileća značajno povećala izgradnjom hotela na dijelu obale bilečkog jezera, kao prve faze projekta turističkog kompleksa koji predviđa i izgradnju bungalova i drugih pratećih turističkih sadržaja. Nakon sastanka u Općini predstavnici FIPA-e su posjetili i firmu sa stranim ulaganjem - Henkel Adhezivi BH d.o.o, te održali sastanak sa Savom Rikalo - direktorom firme i Mirkom Džunić - dosadašnjim direktorom čiji je mandat istekao.

Njemačka firma "Henkel" prisutna je u BiH već dugi niz godina, a 2015.g. je na 6000 m² otvorena nova tvornica "Henkel Adhezivi BH" u Bileći. Mjesto je odabrano između ostalog i zbog neposredne blizine sirovine za proizvodnju praškastih ljepila koje ova firma proizvodi.

"Henkel Adhezivi BH" svoje cementne proizvode za ljepljenje pločica i toplinsku izolaciju objekata isporučuje kako domaćim tako i susjednim tržištima, kao što su Hrvatska, Crna Gora i Albanija.

Tvornica trenutno zapošljava 25 radnika, a planira se novo zapošljavanje uz širenje poslovnih aktivnosti. Na sastanku se razgovaralo o poslovnom okruženju i trenutnim uvjetima poslovanja u građevinskom sektoru, uključujući buduće planove.

FIPA POSLOVNE VIJESTI ≡



RASPISAN POZIV ZA DODJELU KONCESIJE ZA IZGRADNJU SOLARNE ELEKTRANE U LJUBINJU



KONAČNO KREĆE IZGRADNJA VJETROPARKA TRUSINA KOD NEVESINJA ≡





RASPISAN POZIV ZA DODJELU KONCESIJE ZA IZGRADNJU SOLARNE ELEKTRANE U LJUBINJU



Ministarstvo industrije, energetike i rudarstva RS objavilo je poziv za podnošenje ponuda za dodjelu koncesije za izgradnju solarne elektrane u Ljubinju –investiciju vrijednu 150 miliona KM.

Solarna elektrana gradiće se na lokalitetu Ljubinjsko brdo, na površini od oko 80 hektara. Predviđeno je da se postavi 260.000 solarnih modula snage 250 W s godišnjom proizvodnjom struje od 104 GWh. Struja koja bi se proizvodila u ovoj elektrani prodavala bi se na tržištu. Procijenjena vrijednost investicije je 150 miliona KM.

Za gradnju solarne elektrane u Ljubinju zainteresirane su bile austrijska firma Schall -Invest IFS Solar, na čiju inicijativu je pokrenut postupak dodjele.



KONAČNO KREĆE IZGRADNJA VJETROPARKA TRUSINA KOD NEVESINJA



Gradnja vjetroparka Trusina kod Nevesinja konačno bi mogla početi u narednih nekoliko mjeseci, nakon višegodišnjeg odgađanja i zakonskih peripetija koje su pratile ovaj projekat. Prema riječima direktora preduzeća Eol prvi d.o.o. Nevesinje, Zlatka Mandžuke, koje zajedno sa londonskom kompanijom Kermas i Općinom Nevesinje učestvuje u realizaciji gradnje ovog vjetroparka na planini Trusina kod Nevesinja, ušli su u fazu kada više nije sporna realizacija ovog projekta vrijednog 140 mil KM.

Prvi kilovati struje trebalo bi da „poteku“ krajem 2019. Godine, a sa danskom kompanijom Vestas u petak u zgradi Vlade RS će svečano biti potpisan ugovor o kupovini i održavanju opreme za vjetropark. U gradnji vjetroparka Trusina sa 87% učestvuje kompanija Kermas, Eol prvi sa 10%, a Općina Nevesinje sa 3%. Vlasnik Kermasa je poznati hrvatski bisnismen Danko Končar, koji živi i radi u Londonu.

Sberbanka Banjaluka je na čelu bankarskog konzorcijuma koji će finansirati više od dvije trećine vrijednosti investicije, dok su ostatak novca obezbijedili investitori.

Idejnim projektom planirana je gradnja 15 vjetroturbina ukupne instalisane snage 49,5 megavata. Projektovana godišnja proizvodnja bi trebalo da iznosi oko 160 gigavat-časova električne energije, što vjetroparku daje kapacitet da snabdijeva oko 40.000 domaćinstava ili grad sa oko 160.000 stanovnika. Vlada RS je firmi Eol prvi u oktobru 2012. godine dala koncesiju na 30 godina.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identifikira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E,
KOJE SU BESPLATNE, KONTAKTIRAJTE NAS
DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. Bosnia and Herzegovina is highlighted in the colors of its flag: yellow, blue, and white stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA